

# 本草綱目

金石部



本草綱目金石部目錄第八卷

李時珍曰石者氣之核土之骨也大則爲岩巖細則爲砂塵其精爲金爲玉其毒爲礬爲礪氣之凝也則結而爲丹青氣之化也則液而爲礬汞其變也或自柔而剛乳鹵成石是也或自動而靜草木成石是也飛走含靈之爲石自有情而之无情也雷震星隕之爲石自无形而成有形也大塊資生鴻鈞鑪鞴金石雖若頑物而造化无窮焉身家攸賴財劑衛養金石雖曰死瑤而利用无窮焉是以禹貢周官列其土產

農經軒典詳其性功亦良相良醫之所當注意者也

廼集其可以濟國卻病者一百六十種為金石部

為四類曰金曰玉曰石曰齒

舊本玉石部三品百五十三種今併

十八種移三十二種入水部三十九種入土部三種入服器部一種入介部一種入人部

神農本草經四十一種

梁陶宏景註

名醫別錄三十二種

同上

唐本草一十四種

唐蘇恭

本草拾遺一十七種

唐陳藏器

藥性本草一種

唐甄權

開寶本草九種

宋馬志

嘉祐本草八種

宋掌禹錫

圖經本草三種

宋蘇頌

日華本草八種

宋人大明



證類本草一種 宋唐慎微

本草綱目二十六種 明李時珍

附註 魏李當之藥錄 宋雷斅炮炙 吳普本草 齊徐之才藥對

唐孫思邈千金 李珣海藥

唐楊損之刪繁 蕭炳四聲

蜀韓保昇重註 宋寇宗奭衍義

陳承別說 金張元素珍珠囊

元李杲注象 王好古湯液

朱震亨補遺 明汪機會編

徐用誠發揮 王綸集要

金石之一 金類二十八種

金 別錄 銀 別錄 黃銀 烏銀 附 錫 悵 脂 綱目 卽銀 礦



銀膏 唐本

硃砂銀 日華

赤銅 唐本

自然銅 開寶

銅礦石 唐本

銅青 嘉祐

鉛 日華

鉛霜

粉錫 本經

鉛丹 本經

密陀僧 唐本

錫 拾遺

古鏡 拾遺

古文錢 日華

銅弩牙 別錄

諸銅器 綱目

銅盆 鉛鈕

秤錘

鐵 本經

鋼鐵 別錄

鐵落 本經

鐵精 本經

鐵華粉 開寶

鐵鏽 拾遺

鐵蕤 拾遺

鐵漿 拾遺

諸鐵器 綱目



秤錘  
布針  
車鐸  
馬鐙

鐵釜  
箭鏃  
馬銜

鐵刀  
鑰匙

刀鏢  
鐵金

剪刀  
鐵鐮

故  
鐵

右附方舊五十二新一百八十三

石之二

玉類一十四種

玉別錄

白玉髓別錄

青玉別錄

璧玉玉英

合玉  
石附

青琅玕本經

珊瑚唐本

馬腦嘉祐

寶石綱目

玻璃拾遺

水精拾遺  
珠璣石附

琉璃拾遺

雲母本經

白石英本經

紫石英本經

菩薩石日華

右附方舊一十二新一十八



本草綱目金石部第八卷

金石之一

金類二十八種

金  
別錄  
中品

校正

併入拾  
遺金漿

釋名黃牙

鏡源

太真

時珍曰按許慎說文云五金黃為之長久埋不生衣百鍊不輕

從革不達生於土故字左右注象金在土中之形爾雅云黃金謂之盪美者謂之鈔餅金謂之鈹絕

澤謂之銑獨孤酒云天生牙謂之黃牙梵

書謂之蘇伐羅宏景曰仙方名金為太真

集解

別錄曰金屑生益州采無時宏景曰金之所生處處皆有梁益寧三州多有出水沙中作

屑謂之生金建平晉安亦有金沙出石中燒鎔鼓

鑄為礪雖被火亦未熟猶須更鍊高麗扶南及西

域外國成器皆鍊熟可服藏器曰生金生嶺南夷

獠峒穴山中如赤黑碎石金鐵屎之類南人云毒



北京中醫藥大學圖書館藏

蛇齒落在石中又云蛇屎着石上及鵝鳥屎着石上皆碎取毒處爲生金有大毒殺人本草言黃金有毒誤矣生金與黃金全別也常見人取金者深丈餘至紛子石石皆一頭黑焦石下有金如指小者猶麻豆色如桑黃咬時極軟卽是真金夫匠竊而吞者不見有毒其麤金出水沙中淘取或鵝鴨腹中得之卽便打成器物亦不重鍊煎取金汁便堪鎮心志曰今醫家所用皆鍊熟金薄及以水煮金器取汁用之則無毒矣皇朝收復嶺表詢訪彼人並無蛇屎之說藏器傳聞之言非矣頌曰今饒信南劍澄州所出采亦多端或有若山石狀者若米豆粒者此類皆未經火並爲生金詢曰山海經所說諸山出金極多不能備錄廣州記云大食國出金最多貨易並用金錢異物志云金生麗水又蔡州瓜子金雲南出顆塊金在山石間采之黔南遂府吉州水中並產麤金嶺表錄云五嶺內富州賓州澄州涪縣江溪河皆產金居人多養鸞鴨取尿以淘金片日得一兩或半兩有終

日不獲一星者其金夜明宗奭曰顯塊金卽穴也  
至百十尺見伴金石不定見金也其石褐色一頭如  
火燒黑之狀其金色深赤黃楚金卽在江沙水中  
淘汰而得其色淺黃皆是生金得之皆當鑄鍊楚  
金耗多入藥當用塊金色既深則金氣足餘須防  
藥制成及點化者此等焉得有造化之氣如紫雪  
之類用金煮汁蓋假其自然之氣爾又東南金色  
沙西南金色淡亦土地所宜也時珍曰金有山金  
沙金二種其色七青八黃九紫十赤以赤爲足色  
和銀者性柔試石則色青和銅者性硬試石則有  
聲寶貨辨疑云馬啼金象馬啼難得撒攬金出荆  
湖嶺南勝子金象帶勝出湖南北瓜子金大如瓜  
子楚金如楚片出湖南及高麗沙金細如沙屑出  
蜀中葉子金出雲南地鏡圖云黃金之氣赤夜有  
火光及白鼠或云山有蘆下有金凡金曾在塚墓  
間及爲釵釧渡器者陶隱居謂之辱金不可合煉  
寶藏論云金有二十種又外國五種還丹金出丹  
穴中體含丹砂色尤赤合丹服之希世之寶也楚

金出五溪漢江大者如瓜子小者如麥性平無毒  
山金出交廣南韶諸山銜石而生馬蹄金乃最精  
者二蹄一斤毒金即生金出交廣山石內赤而  
大毒殺人鍊十餘次毒乃已此五種皆真金也  
銀金丹砂金雄黃金雌黃金硫黃金曾青金  
金石膽金母砂金白錫金黑鉛金並藥制成者  
金生鐵金熟鐵金鎗石金并藥點成者已上十  
種皆假金也性頑滯有毒外國五種乃波斯紫磨  
金東夷青金林邑赤金西戎金占城金也

金屑氣味辛平有毒

大明曰無毒琯曰生者有毒  
熟者無毒宗奭曰不日金而

更加屑字者是已經磨屑可用之義必須烹鍊鍛  
屑為薄方可入藥金薄亦同生金有毒能殺人且  
難解有中其毒者惟鷓鴣肉可解之若不經鍛屑  
即不可用金性惡錫畏水銀得餘甘子則體柔亦  
相感耳時珍曰洗金以鹽駱駝驢馬脂皆能柔全  
金遇鉛則碎翡翠石能屑金亦物性相制也金蛇

能解生金毒晉賈后飲金屑酒而死則生  
金有毒可知矣凡用金薄須辨出銅薄

主治

精神堅骨髓通利五臟邪氣服之神仙

別錄療上兒

驚傷五臟風癇失志鎮心安菟兔

甄權癲癇風熱上

氣欬嗽傷寒肺損吐血骨蒸勞極作渴並以薄入

丸散服

李珣

破冷氣除風

青霞子

金漿

拾遺

氣味

同金

主治長生神仙久服腸中盡為金

色

藏器

發明

宏景曰生金辟惡而有毒不鍊服之殺人仙  
經以雌雄及猪肪牡荆酒葦鍊至柔軟服之

成仙亦以合水銀作丹砂醫方都無用者當是慮

其有毒爾後之曰生者殺人者乃堪服水銀

合膏飲即不鍊領曰金屑古方不施用者惟作金  
薄入藥甚便又古方金石凌紅雪紫雪輩皆取金  
銀煮汁此通用經鍊者假其氣爾時珍曰金力  
方之行性能制木故療驚癇風熱肝膽之病而活  
方罕用惟服食家言之淮南三十六水法亦化爲  
漿服餌葛洪抱朴子言餌黃金不亞于金液其法  
用豕負革肪苦酒鍊之百遍即柔或以槲皮治之  
或以牡荊酒慈石消之爲水或以雄黃雌黃合餌  
皆能地仙又言丹砂化爲聖金服之昇仙別錄陳  
藏器亦言久服神仙其說蓋自秦皇漢武時方士  
傳流而來豈知血肉之軀水穀爲賴可能壯此金  
石重墜之物久在腸胃乎求生而喪生可謂愚也  
矣故太清法云金稟中宮陰巳之氣性本剛服之  
傷損肌肉又東觀秘記云亡人以黃金塞九竅則  
尸不朽此雖近於理然亦誨盜  
矣曷若速化歸虛之爲愈也哉

附方

新

風眼爛弦

金環燒紅掠上

下脰肉

牙齒風

目數次其妙

集簡方

牙齒風



痛

火燒金釵針之

集簡方

輕粉破口

凡水腫及瘡病服

粉後口瘡膿爛

金器

煮汁頻頻含漱能殺粉毒

以愈為度

外臺秘要

水銀入耳

能蝕人腦

金枕耳

出也

張

水銀入肉

令人筋攣惟以金物熨之

銀當出

銀當出銀金侯金白色是也

仲景方

頻用取效此北齊徐

玉方也

本草拾遺

別錄

中品

校正

併入開寶生銀

釋名白金

綱目

蓋

時珍曰爾雅白金謂之銀其美者

日鏐說文云蓋白金也

梵書謂之

阿路

巴

集解

別錄曰銀屑生永昌采無時

宏景曰銀之所

出處亦與金同但是生土中也

鍊餌法亦似

金永昌屬益州今屬寧州

恭曰銀與金生不同處

所在皆有而以號州者為勝

此外多銀穢為劣高

醫藥大學圖書館

醫藥大學圖書館

醫藥大學圖書館

醫藥大學圖書館

歷作帖者云非銀鏤所出然色青不如瓠州者  
曰生銀出饒州樂平諸坑銀鏤中狀如硬錫文  
相錯自然者真頌曰銀在鏤中與銅相雜土  
得以銀再三煎鍊方成故爲熟銀生銀則生  
申狀如硬錫其金坑中所得乃在土石中滲  
條若絲髮狀土人謂之老翁鬚極難得方書用  
銀必得此乃真珣曰按南越志波斯國有天生  
銀用爲試藥指環又燒朱粉甕下多年沉積有銀  
號孟鉛銀光軟甚好與波斯銀功力相似祇是難  
得今時燒鍊家每一斤生鉛只得一二銖山海經  
云東北樂平郡堂少山出銀甚多黔中生銀體硬  
不堪入藥宗奭曰銀出於鏤須煎鍊成故名熟銀  
其生銀卽不自鏤中出而特然生者又謂之老翁  
鬚其入用大同世之術士以硃砂而成以鉛汞而  
成以焦銅而成者旣無造化之氣豈可入藥不可  
不別時珍曰閩浙荆湖饒信廣滇貴州交趾諸處  
山中皆產銀有鏤中鍊出者有沙土中鍊出者其  
生銀俗稱銀笋銀牙者也亦曰出山銀獨孤酒丹

房鏡源所謂鈴坑中出褐色石形如笋打破卽白  
名曰自然牙曰自然鈴亦曰生鈴此有變化之道  
不堪服食者是也管子云上有鈴下有銀地鏡圖  
云山有蔥下有銀銀之氣入夜正白流散在地其  
精變爲白雄雞寶藏論云銀有十七種又外國四  
種天生牙生銀坑內石縫中狀如亂絲色紅者上  
入火紫白如草根者次之銜黑石者最奇生樂平  
鄱陽產鈴之山一名龍牙一名龍鬚是正生銀無  
毒爲至藥根本也生銀生石釧中成片塊大小不  
定狀如硬錫母砂銀生五溪丹砂穴中色理紅光  
黑鈴銀得子母之氣此四種爲真銀有水銀銀草  
砂銀會青銀石綠銀雄黃銀雌黃銀硫黃銀膽礬  
銀靈草銀皆是以藥制成者丹陽銀銅銀鐵銀白  
錫銀皆以藥點化者十三種皆假銀也外國四種  
新羅銀波斯銀林邑  
銀雲南銀並精好

銀屑脩治

宏景曰醫方鎮心丸用之不可正服爲  
屑當以水銀研令消也恭曰方家用銀

屑取見成銀薄以水銀消之為泥合消石及鹽研為粉燒出水銀淘去鹽石為粉極細用之乃佳  
得只磨取屑耳時珍曰入藥只用銀薄易細若用水銀鹽消制者反有毒矣龍木論謂之銀液文有  
錫薄可偽  
宜辨之

**氣味**辛平有毒

珣曰大寒無毒詳生銀下

**主治**安五臟定心神

止驚悸除邪氣久服輕身長年

別錄

定志去驚癇小

兒癲疾狂走

甄權

破冷除風

青霞子

銀薄堅骨鎮心明

目去風熱癲癩入丸散用

李珣

**生銀氣味**辛寒無毒

獨狐潛云鈴內銀有毒保昇日畏黃連甘草飛廉石亭脂

砒石惡羊血馬目毒公大明曰冷微毒畏慈石惡錫忌生血時珍曰荷葉葦灰能粉銀羚羊角烏賊

